

قمر المغرب

شعر

يسرى العزب

٢٠٠٣

مطبوعات الفجر
تصدر عن جماعة الفجر الأدبية بالقاهرة

المشرف على التحرير
وكتوريسرى العزب

المراسلات باسم : المشرف على التحرير
الجيزة - أرض اللواء - فيصل
١١ ش محمد منصور
تليفاكس : ٥٧٠٢٢٤٢

المحتوى

الصفحة	القصيدة	الصفحة	القصيدة
٧٣	١٩ - جنون ٩٥/١٢/٢٨	*	* المحتوي
٧٧	٢٠ - سنة حلوة ٩٦/١/١	*	* إهداء
٧٩	٢١ - مولود جديد ٩٦/١/٣١	٧	١ - م الآخر ٩٥/١١/٧
٨٩	٢٢ - تعزية ٩٦/٢/٢٧	١١	٢ - وتيجي بجد ٩٥/٥/١٢
٩١	٢٣ - ثلاث سنات ٩٦/٦/٣	١٧	٣ - هنا وهناك ٩٥/٥/٩
٩٥	٢٤ - بسمه ٩٦/٦/١٠	١٩	٤ - قراوات ٩٥/٦/٢٦
٩٩	٢٥ - اسبقى الريح ٩٦/٧/٥	٢٣	٥ - قمر غرقان ٩٥/٦/٢٨
١٠٣	٢٦ - حلاوة الروح ٩٦/٧/١٤	٢٧	٦ - غشيم حب ٩٥/٨/٢٠
١١١	٢٧ - قارب نجاة ٩٧/٢/٣	٣٣	٧ - في الظن ٩٥/٨/٢٠
١١٩	٢٨ - مزنيكا ٩٧/١/٣	٣٥	٨ - سلطان ٩٥/٨/١٩
١٢١	٢٩ - بلاستيك ٩٧/١٢/٦	٣٩	٩ - برود ٩٥/٨/٢٢
١٣٣	٣٠ - رحلة ٩٧/٤/٢٦	٤٣	١٠ - أمل ٩٥/٨/٢٠
١٣٧	٣١ - نقطة حر صاحبة ٩٧/٦/٣	٤٥	١١ - قمر المغارب ٩٥/٩/٨
١٤١	٣٢ - غزل البنات ٩٧/٦/٣	٤٩	١٢ - رومانسية ٩٥/١٠/٤
١٤٥	٣٣ - نزل حروف سينا ٢٠٠٢/١٢/١٥	٥٣	١٣ - حورية ٩٥/١٠/٥
١٥٣	٣٤ - م الأرض ٩٥/١٢/٢٠	٥٧	١٤ - الفرق ٩٥/٣/٢٣
١٥٧	* صدر للشاعر	٦١	١٥ - أمان ٩٥/١٢/٤
		٦٣	١٦ - سيب وأنا اسيب ٩٥/١٢/٥
		٦٧	١٧ - معاً دائماً ٩٥/١٢/٧
		٦٩	١٨ - أصل وصورة ٩٧/٩/٢٩

★

قمر المغارب

إهداء

إلى

ليلي محمد علي
قبل الشعر وبعده
قصيدة لم أتمها
حتى نلتقي ثانية ..
فأكمل من جرير

يسرى العزب

٢٠٠٢/١٢/٥

م الآخِر

— بدون تفكير قالوها كثير

وايه يعنى ؟ ؛

— وآخرنا بعدنا ده إيه ؟ ؛

مالوش معنى

— وآخر قُربنا كان إيه ؟

نقول احنا ؛

— بنهرب من لقائنا ليه ؟

— نعذب عمرنا على إيه ؟

— باحبك ..

وانت زى كمان ..

وبتحبى

وقلبك ..

مُهر كان رهوان ..

بدأ يحبى

ويتعكز على حبلين

وعقلك ..

ماشى بين جبلين

.. ومتحير

يضيع إزاي ؟

ويهجرنى .. ويتغير

ويمشى خطوة يتعثر

ولا يطلع ..

ولا ينزل ..

ولا يعبر

ويلقانى .. فى كل طريق

باشاور له بمندلى

عسى نجى لى

ويمسح دمة الغربة

على قلبى

يشوف حبه

ويجري وكله لهفة عليه

يضيع أزاى ؟

وينسى كل شئ

إلاى ؟

وهل فى العمر كله سواى ؟

باحبه حقيق

وباستحمل عذاب حبه

وباتمناه ..

يكون لى صديق

واكون صاحبه

وصادق فى انتظارى ليه ؟

ما فيش قيادة

ما هوش راجع

ده حبه كله بمواجه

ونار حبه

فى قلبى حبه نار قيادة

فى قلبى من بعيد راقدة

عينيك رايدة

إيديك رايدة

وعايشة العمر فى مناهدة

ما بين جبليين

وعُكَّازك .. يادوب حبلين

وعقلك لسه متحير

وانا رايدك

ومش ها اقدر

أقول زيَّك

ما فيش فايده

١٩٩٥ / ١١ / ١٧

ونتيجي بجد

سبع تيام
عيني ما تنام ...
ولا تغفل

سبع تيام
مصخصك لك على الآخر
وباستني جرس تليفون
يطمنني
وما يجيشني
أقوم مفزوع
واعيش الوقت في الحرمان
واتمنى الليالي تهون
خاصمت عش الخلان
طفيتني ف عمري كام شمعة

حرمتيني من النسيان

خاصمتيني

وعذبتيني بالقسوة

وبالهجران

دانا حبك

ونار قلبك أنا الحامية

وجنة عمرك

الصافية

حرام ياأحب ..

حرام يتحول الإحساس

ويشمت في كل الناس

وتنسيني

عشان خايفة

من المجهول

ومش معقول

أعيش على طول
فى نار الهجر
مش معقول
تليفونك ما بيرنّش
يصحّيكى
على الحيرة
اللى انا فيها
يجيبك ع البراق لى
تكونى الننى فى عينى
واحطك جوه أحضانى
تهدينى
واشيلك فوق كفوف الشوق
تحتينى
بحنية
تنور سكتى س

على صدرك
وارجع لك ربيع عمرك
أتوه في عينيكي اعموم فيها
وأعطش لك
وتسقينى الشفايف شهد
تسوى لى فى حضنك مهد
واتقلب على عشب الحرير بيكى
لطيف
كالطيف
بيتعلم
على أيديكى
ويرسم لى طريق بكرة
وأتمشى فى سكة أرضك السمرة
أحب كثير ولا أكره
تعالى قوام

أشوف بيكى ولو مرة

تعالى قوام ..

هتلقينى .. باحبك جد

شايلى قلبك على جناحي

ياقول له : اتمد

واخد وادى كتير وياه

يغنى ف قلبي عصفورك

وازقزق له

مواويل الحياة حلوة

يزقزق لي

واغنى معاه

متين غنوة

وأنا وانتى ..

هنبقى كورس الجلوة

أقول : ياليل

تقولى : آه ..

يالليل ياعين ؛

باحبك

— آه

وباتمنى تجى لى بجد

وبادعى ف كل وقت صلاة

تجى لى بجد ..

وتيجى بجد

١٩٩٥ / ٥ / ١٢

هنا وهناك

ما بين بينين

وقع قلبي

هنا .. وهناك

أنا من هناك .. عايش هنا

وأنا من هنا ... عايش هناك

يا هل ترى ألى هناك هنا

والا هنا يبقى هناك

وانتى بآق العين وأنا

ماشين على الأشواك

خافين قوى على حبنا

من نفسنا

من ضلنا

بنقول : يا خوف .. رُحماك

خفف علينا حملنا

خلينا نعشقُ قربنا

اللى هناك يبقى هنا ..

واللى هنا .. يبقى هناك

١٩٩٥/٥/٩

قرارات

- وهل يمكن لما اتجمع في يوم موعود تفرق شمله
أيا كانت القرارات ؟!

قرار (١) :

نحب ونفترق عن بعض
ونبعد عن هوى روحنا
ونتخاصم .. عشان الحب
يعيش - دائما - في أحلامنا !!

قرار (٢) :

نحب ونسرق من بعض
ونسلم م الجسد روحنا
نطوف فوق السما والأرض
نخلينا - مع الحرمان -

حباب

آخر الأيام !!

قرار (٣) :

يمر اليوم ..

نغيب جوه بناهاتنا

ونبعد في الوطن عن بعض

الأقربى

في أي مكان

في حضني زى ما كنا

ما فيش غيرنا

- وتبجني

وتيجي قوام

والقلى ف هينوك باجرى

يتوه أمرى


وأرجع لك

- وارجع لك
- في حضني زي ما كنا
مافيش غيرنا .

قرار (٤) :

في قلبي كل دقاتك
في دقك نبض أوقاتي
ونهرب ليه ؟
ونهرب فين ؟
ياريت نقدر !!
وهل يقدر
قرار طابش
يموتنا ؟

١٩٩٥ / ٦ / ٢٦



قمر غرقان

ومتعلق في قشاية
بيلخده الموج
ويرميه تلقى م الأول
ويسحب فيه لقاع البحر
يطلع فوق
يشوف الضى
يتشاهد على روحه
ويشهى
شهقة المحاياة
يشده البحر ..

يتعلق على موجة

يشوف قمرك

ويجرى عليه ..

ويتشعب في نين عينيه .

يشبّ لفوق

يدوب ضي القمر جواه

ويشرب مية المحايّة

وينسى كل شينىء الّاه

قمر طيب

وحاضن نور قمر طيب

وفارش فوق سطوح العمر

منور تحت قاع البحر

ويطلع بيه لفوق الفوق


ويرسى ف شطكم بالشوق

وياكل تانى من خيرك

وينسى كل شينىء غيرك

ويهنى له يكون طيرك
يرشرش ع الوجود نورك
وتكثر بين إيدك سواقيه
فأرجوكى يابنت الإيه
تحافظى عليه

١٩٩٥/٦/٢٨



غشيم — لا مؤاخذه — يا حلوة
وما بيعرفش يتكلم
يموت جاهل ومتبلم
ولو طول عمره يتعلم
ويوم ما نحس باهانة
بيرقص لما يتالم
ونليه ازرق ويطلع
يخاف منه أساتذينه
وما يخافشي
غشيم — طبعاً — ما يعرفشي

وفكر .. إن قلبه ابيض

وبيرينه

فا... يتكلم

ويتكلم

كلامه كله بيش وطوب

وعمره - ولو حلف - ما يتوب

ولو حبك ..

واهو حبك ..

وحبك اهو ملا قلبه

ما يعرفشى ..

يدارى عن هواه حبه

ما يخجلشى ..

يقول كلمة ما تقبلهاش

وينسى إن ركك صد

وينسى إن حبة الآن
بقى أطرى من النعناع
ولمه مابقاشى جد
وينسى إن قلب حبيبته
طير اخضر
بيشعز
باي كلام
ما يعرفشى - يا عيني - ينلم
إذا يسمع حروف وحشين
- يا باي ، ويا آي ،
ولا.. يا روى .. كلمة (نو)
ولا (هو .. هو) ..
تقولى : (عو)
يخاف منك ويتكرمش

وقلبه ف صدره يتكشكش
ويبعد في الهوا عنك
يطير منك ، في أبعد جوف
بقى عصفور وضاع في الهوا
ونتعب ليه عشان نلقاه
قضيئا العصر نستناه
ولما جانا، قلنا (عَو)
وطار منا .. وضيعناه
وتاه .. جوه التراب والغيم
- " غشيم زى اللي جايبينه
وكل الصنف صنف غشيم
ولم ينفع معاه تعليم "
ولو فكرت كم ثاقية
تقولى يا غالية : دا عقل

من اللابسين بأموالهم

عمم بيضا

يبنوا من بعيد عاقلين

وبيداروا ورا البرقع - جهالتهم

يبنوا - من بعيد - عاقلين

وبيداروا - ورا ذقونهم - سفالتهم

وأخر الليل بلاويهم ..

تتور بالجحيم بيتهم

ومين بس اللي فينا غشيم

ومين فينا اللي عقله سليم

قولى لى يا .. أمل .. خيب

وكان فى عمرى طيف طيب

طفيتى الشمس ع الآخر

وراح منى الربيع ، هاجر

لائي - غصب عني - غشيم
وها فضل احبه طول عُمري
ومنهما كان ..
هافكر - رغب ثقيلني -
باني ف عز تجهيلي
بالحبك
بسن هبي حميم

١٩٩٥ / ٨ / ٢٠

في الطين

ماتوا ومالقوش الكفن
ناس الوطن
باعوا الهوى من غير تمن
وبقت حياتهم - مش بكيفهم -
كيس عفن
لكنهم .. ناس الوطن
من قبل ما يدوسوا عليه
باسوا ايديه
ورجوه يسامح جهلهم
قالوا : هانتعلم ونفهم قال لهم :

يا أهل الهوى
مافيش دوا ينفع لكم
انتوا اللي بعثوا حبكم
لما اشتريتوا ذلكم
من بعضكم
ورضيتوا ببقوا كلكم
أسياد
وكل كل كلكم
عباد أمل
ومايس لكم
غير حل واحد حلكم
نستعمله ؟
وتعيشوا في الطل
عمركم

١٩٩٥ / ٨ / ٢٠

سلطان

أنا سلطان
طريقى أمان
على ذراعى حصان رهوان
وفى عينى مدُن وجنان
أنا سلطان زمان دايم مالهش مكان
وقدامى سكك خضرة شجر وحنان
ما كانش بيايدى أمنعها
ولا أقلعها
ولا أفدرش غير انى
بكل شعورى أسمعها
أدندنها وأغنيها
وأرفعها على البنيان

وأنا سلطان ..
ماليش فيها
ومش عايز أنا منها
سوى الراجة
وأعيش إنسان
مانيش سلطان
وعهد الله ما أنا سلطان
ودنيای أمل نشوان
وغيط ريان
ومحصولی ملا بستان
أنا فوق أرضها راضی
وأقوم شبعان
وأسهر والقمر صاحبي
أنا وخبی
نصلي الفجر ونصبح على الكروان

يقوم يصحى ويسبقنا
يصحى الدنيا تلحقنا
ونلقى فى التعب راحة
حياة حلوة ، ومرتاحة
فى حضنى بنت فلاحه
وانا .. على جسمنها فستان

مانيش سلطان
ولا هى برده سلطانه
أنا فنان ..
وهى ف قلبى فنانة
وبتنظّم له دقائقه
وبتحلّى له أوقاته
وبتغنى فى سهراته
وبتضحك له أهاته
وبتسبىها ماضيها
بأحزانه وإساءاته

ويزرع أرضها الخصبة
ربيع أخضر مايشفقشئ
ويزرع أرضها الخصبة
نهار أطول ما يخلصشئ
وخير وأفر ما ينقصشئ
يدوم لئ وادوم في هواه
يدوب في الحب ماقتوهشئ
ونطلع فوق ما ينزلشئ
ويكبر كل يوم الشوق ..
ولا نضيقشئ .

١٩٩٥/٨/١٩

برود

ولا يهْمَك ..

أنا بارد ..

ولا اتأثرش من همسة

ما دام لِسَّه

وعايزه تنامى م المغرب

وترتاحى ، وأقول : طيب

هاريح ودنك الياسة

من الآهات

وم الكلمات

واسيبك ،

تاكلى فى نومك

مع الملكين

طبيخ بايت
وأنا يا حلوة مُش بايت
هاعيش صاحى أنا وطيفك
لحد الفجر ما يشفقش
ومش هازهق
ومش هاسأل
لا فى اتناشر ولا ف خمسة :
- تكونى يا ام حب رقيق
فى عز النوم ، وأنا لسته
فى قلبى حريق
ومرتاح به ومش حاسة
وأنا سهران ؟
ما فيش أحلا ..

من الأمل اللي أنا جاييه
وحاسس إنى مش غلطان

معاك انتى

ماتيش لاعب

ما دام حبك بيبقى كله بمتاعب

وأنا بعدك راح أقدر أعيش

أفكر فيك وأنا غايب

واخش غينيك واعيش راهب

وأعطس فيك

ومش قارب

وهتشوفينى فى مرايتك

وهاتنطط وأتعجب

وهاتشاغلينى بالحاجب

وبالفصة

ومش هاتطق ولا همسة

عشان لسه

أنا بارد

ما بتهزش

ولو حتى بمتين لمسة

ومش رادد

بأى كلام

لا فى اتناشر ..

ولا ف خمسة

١٩٩٥/٨/٢٢

أمل

أنا مش هتلقم حدّ عنك
بعد كل اللي حصل
ولا هاقول إلاّ بحبّ لحد
ولا هاشتكي
منك لكى
وزى ما اتنى إشتكى
منى إلى
كلية بس على
بني انتظر
طلعة صباحك فى المسا
لحظة غروبك يا قمر ساعة الشروق
هأركب معك غيمة البروق
وأشرب ينابيعك ولروق

وهتصرفيني أتصرف
وانزل على أرضك مطر
واخضرنّ منك فى العروق
وأواجه الخوف بالمحبة ، والخطر بالشوق
أزرع ربيعك بالأمل
يخرج من الجنة بطل
يهر على الينابيع عشان
ييجى الربيع ويفطمه
ما يقولش ، آه أبدا لحد
ولا يشتكى منك لحد
وأنتظر ..
ولا أمل
طلّة صباحك يا أمل

٢٠ / ٨ / ١٩٩٥

قمر المغرب

قمر المغرب

كاس براندى معتقة بالشوق

قدام نهار محروق

شمس الأصيل

فارقت شفايف ميمتك يا نيل

والروح أمل وناس

شايل فى قلبى الناس

إحساس نبيل وجميل

نورس خفيف الريش

بيحب زرع الأرض

زيت النخيل

بيحب كل الدنيا
حتى المافيش
يشرب بعق وينتفش بالمزاج
طبع القمر غناج
بيشدني الابتهاج
وبنتنحش بك يا المسا
الكتاكيت

ترقص في أعلا السياج
كت كت لبيتك خش
تدخل في قصر زجاج
وتطفش الوطاويط
طول ما انت عقلك حويط
حبك يتسنة غويط
اشرب رحيق القمر

هاتحس طعم النبيت
قم بيت الكتايت .. قوم بيت الكتايت
واحضن بهاك
برضاك
وارقص معاك
تلقاك
حبة براندى معتقة فى شروق
مية وضوء طاهرة
قدام نهار محروق
قمر معشوق
سد الشقوق بالضوء
ما احلاك يا عاشق
وانت راشق .. فوووق

١٩٩٥/٩/٨

رومانسية

كلام المحبة الرومانسي
مالوش أى لازمة النهاردة
كبرنا ونسينا

انتظار الكلام المعسل

- ماباشبعش منك
- وجوعك مؤبد
- وهذا اختيارك

ما عايش القدر
بيفرض شروطه علينا
فتقصر إيدينا
ويطول عينيها
وتعمى قلوبنا
نقول : ده نصيبنا

ولازم يصيبنا

تجيني

تنور سيني

ويصحى شبابي

وحنيني

— أغبر إهابي

ويلبسني توبك

أقابل بصورتك حبابي

وادنن بصوتك واغنى

— هاتني وراكي

وهالميس بيادي سماكي

وادبدب في أرضك

وأحفظ عليكى

ويخطفنى ضيـك

أخش ف عينيكى

وألقاتى زيـك مغامر

وأصبر ،

واعافر ،

لغاية ما تيجي

هاتيجي

عروسة

ما تشبعشني مني

تلاقى عريسك

ولا اجوعش ليكي

— حقيقى وماهش

مقدر علينا

— وتطول إيدنا

— تساوى بصيرة عينا

— تخالينا نقدر

بدون انتظار المقدر

نعيش

١٩٩٥ / ١٠ / ٤

حورية

أنا جئ لك وكلّى ذنوب
أغنى لك وبالمقلوب
واسكّ بروحي ع المطلوب
أمتّع عيني بجمالك
وهاثغيرني أحوالك
واقول لك مهما طال الشوق
باحبك حبّ كله ذوق
أعيش صاحبي
واحبك حب فلاحى
وأنا صاحبي
وأنا وحضنك
نصلى الفجر صباحي
ونتعوّد على المغرب
نحب ف بعض ونقرب

نحب ف بعض

— ما كانش البعد منى رفض

— وغصب عنى شلت ذنوبى

.. واتغربت

شرق وغرب

فوق الأرض

— لحد ما سننك بايت

— ضحكت ف سرى كام ضحكة

— نفس مفتوح على الآخر

وشفت السننة بتنور

كمان أكثر

— وشفت هلال ومتربع

على جبينك

أقوم

واسهر .. على حبك

تنام السهرة فى حضنك

وادفيها بحنان قلبك
تلاقى حبيب
شفافه طبيب
ومتعود على قربك
يعيش جارك
ويتدفق بنار دارك
ويحضر ضي كل ربيع
ويتحقق على إيديكي
نهار خالص
حنون وبديع
— ولو أعطش
هايعصر لي
ويسقيني
— حليب مشمش؟
— كخمر الجنة .. أنهاراً
— وأطياراً .

— وأزهاراً
— وناسياً ..
— كانوا أخيراً
— وعاشوا
وماتوا .. أحراراً
— وهور العين .. وأسراراً
— يزد العمر إصراراً
— يشد الحيل
ويتشدد
يشيل الكيل ويتجدد
ما يتعشى
على صدرك
وليد يمشى
ويوصل فوق شفايفك فوق
وكله شوق يدوق شهك
وباله يروق

١٩٩٥/١٠/٥

وحلفتك

بأعلى شيء سكن قلبك
يا شيخ سيبنى
أعيش فى زحمة الدنيا
بدون ألم السهاد فى العين
بدون قلق المنام بالليل
بدون أشواق
ولا حرمان
ولا تفكير فى شيء خالص

وحلفتك

بأعلى ما فىك من الأشواق
تسيبنى أعيش
وتحلف لى .. وأحلف لك
ملا قلبى لهيب حبك

ومرجحني

ما بين الصحو والإغفاء

وعشت أساه

وريجحني

وتهت معاه

وفرحني

صفا عينيكى

دفا قلبك

وصدق العشق فى فربك

رضيت أمشى على دربك

خطا لقدام

ما ترجعشنى

أشيلك فوق

وأشترع الوجود .. ضلك

ينسم كل قلب صفاء

وأحلف بك

وأحلف لك ..
بعزم ما في من حبك
ما نيش سا بيك
هاعيش فيكي
وأعيش ليكي
وعيشي أنتي
علي كيفك
وشوفي الفرق بين
صيفي وبين
سيفك
وبين السم والترياق
وبين الأصل والأصداء
وأحلف ميت يمين بيكي
لأكون أرضك
وتبقي في فضايا سماء

١٩٩٥/٣/٢٣

أمان

ومن يوم ما شفتك
ما نمتش حزين
وبيجيني صوتك
ملان با لحنين
يدغدغ لي روعي
ويفرد ضلوعي
أقوم
مرة واحدة
وأعمل حسابي
ومن غير مناهدة
أشيلك في قلبي
ويرجع شبابي
وأطلع صروحك
واداوي جروحك

واعيش جوّه روحك

مالينى الحنين

أحبك

وأفرح

وتفرح معاى السنين

أحبك

وأقول لك : بأحبك

حقيقى بأحبك

لأنك دقيقى

وعيشك صديقى

ولو جاتى ملحك

يسكر طريقى

يفرح لى ضيقى

ويفتح

طريقى الأمين

١٩٩٥/١٢/٤

تسيب وانا تسيب

باقول لك إيه ؟

تسيب وانا تسيب ؟

يضيع من إيدنا أحلا نصيب ؟؟ "

يضيع الحب م الأول

ونبدأ تانى م الأول

ندور فى البلاد عن حب

ها ييجى ازاي ؟

ده سوق خسران

ما فيش إنسان

— إذا حاول —

يلاقى حبيب

يلاقى غير عذاب حبه

ألم جنبه .. ويتعذب

• ويتغرب

ويضحك تاتى على نفسه

ويتهيهاله ؛

إن الزيف بقى له صديق

ويضحك له

ويسمح له

ويلحس عقله

م الأول

ولو ضوء النهار طوّل

ينادى الليل

يلاقى طيف حبيب قلبه

ويجرى عليه

ويحضن فيه

ويبجى الليل

عذاب أطول

من الأول
ما يهمدشى
ولا ينامشى
ولا يرحل
ويسمع صوت أذان الفجر
نصّ الليل
ولا يقومشى
ولا يصلى
ولا يصومشى
ولا طيفه
كمان يمشى
ينام فى أديه
هوا فارغ
ما ينعششى
يضيق نفسه
وما يطيقشى

ينام تانى
وبيجى كابوس
يقطع فيه
وليله يطول ما يخلصشى
ما ضاع الحب م الأول
ومهما القلب يتحول
ما يلقاشى مكتاه حبيب
ولا ينفع يقول تانى
تسبب
وانا
اسيب ؟؟

١٩٩٥ / ١٢ / ٥

معاً دائماً

هربت في
ورجعت لي
لائي ضيئك
وانتي عيني
أمل زماتي
وعمر تاتي
وكله رايح
وانتي اللي جاية
في يوم تجلّي
في قلبي حلي
وزيحي ذلي
ولعمري حلي

ويا الله خلقى
قلبك يقول لى :
حرمت أهرب
منك إليك
يا لى انت منى
خلينى ليك
دانا حنة منك
وكلى ليك
وانتى كاتك
وغصب عنك
مخلوقة لى
ولى وحدى
وماليش
شريك

١٩٩٥/٢/٧

أصل وصورة

من بطن أمه .. نزل
.. شاطر ودمه خفيف
فارد جناحه الوريث ع المدن والريف
فارس زمانه المديد
منصور — كما وعد الإله — وشريف
وهب الحياة للرمال
وبزاحه خضرها
خلاها آخر جمال
وإذاها راحة البال
لو مد إيده طال

نورها وتوارها
عاشق سماها وأرضها
بالذات

حباها بالصلوات
ورعاها بالدعوات
وملاها بالخيرات
وحماها بالبركات
ونصرها م المعتدين
كبر الصبي ف حجرها
ورضع حليب صدرها
لقى صورته في قلبها
وصبح شباب حبها
وصبح شباب حبها
مدت له كاس الصبا

عاشق لقي المرحبا
شق الصخور بأمان
واتهزت الوديان
فاضت بخير ربها
وفاض لها
فضلها

عم الزمان والمكان
وكسب معاها الرهان
اللى يدوق ميته
لازم يدوقها كمان

١٩٩٧ / ٩ / ٢٩

جنون

عيال الشارع الطيب

بيخاتقوا

على حبك

وليهم حق

فى وسط الضلمة جيتى لهم

قمر مخنوق

من العتمة

وشديتى القلوب ليكى

ولد مجنون

حذف قلبه على أيديكى

ولد مجنون

خطف قلبه رماه فى الأرض

ولد مجنون

وقف ساكت

صعبتى عليه

ملا دمه الطريق

شدك لتعذيبه

وملتى ليه

وعذبتيه

وطلعتى النجوم فى عينيه

وقفلتى السكك حواليه

وخلتلى البلاد ترميه

فضل لك

وانت ما فضلتيش

وشالك وانتى بتحطيه

هـرام والله

تسبب عینک

تعذب فیه

ولد مجنون

حذف روحه

على أرضك

حرام تسبیه

١٩٩٥ / ١٢ / ٢٨

سنة حلوة

قلبي الجميل قرر يميل يرقص لموج النيل ويعوم بين
الشطين ويقوم يسقع قلة الملايين في عز الحر يستشفوا
ويرتاحوا ويلقوا الليل بقى قصير مسلّم للنهار طوله بشمس
الحب وبقمره . في عز الضهر يتلاقوا وعز الليل يبتساقوا
يضيئوا الكون وأنوارهم تغطي كل شكل ولون . بلون هادي،
نهار نادی وببهادي الوطن بالخير .

سنة حلوة .. وأحلى م اللي فات كله وأنا وحبى نرُش الفرح
ع الصحرا نخضرها بنهار بكرة يغمّ النور على السوادي وع
الدلتا يحب كثير ولا يكره ، يلم الناس على حبه يقف وبياه
جميع الناس ويمشوا معاه نهار وتاس يلموا الخير في قلب
النور ويرموا الشر في الديجور ، يفوق الخلق ويحبوا
ويمشوا في البراح للحق.

يقوم يسبق خطاويهم طريق طيب ويمشوا عليه ما شاء
الله!! ما فيش أزهى ولا أبهى ولا أجمل يلاقو الحب مستنى

وفارد كل أحضانه ويحضنهم يطيبهم يبارك كل خطاويهم
ويدعى لهم " فى قلب الكل خليفهم وتم الخير على ايديهم"
ويصحن المستحيل فيهم يخلو الصحوه فينا تعم . وتبقى
صحيح سنه حلوه

وأحلى م اللي فات كله

أمل بسام بيتحقق

عمل مخلص وحب كبير

وأحلى م اللي فات كله

١٩٩٦/١/١

مولود
جديد

لما شمس الدنيا تبعد

تبعدى

درجة حرارة العمر تنزل

تبقى خمسين تحت سطح الصفر

نار الهجر

أقوى م الجليد

أنصهر

واجمد

فى ثانية

سخن بارد

وقت واحد

تبعدى أكثر أدوب

أبقى ذرة فى محيط

تايه ما نيش لاقى الخلاص

ليه يا شمسي تبعدى ؟

تهجرى يومى وغدى ؟

هو امتحان ؟؟

أسقط فى بير الخوف ما ابان

أغطس ما ابان

إلا ان إيديكى

حوطت فوقى بحنان

بوسة واحدة ترد دمنى

فى العروق

أظهر وابان

يرجع زمان

عيل شجاع ماتش جبان

طيب على أعلا مكان

طالع لفوق

نخلة محبة ملأه شوق
يقطف بلح من كل لون
يتغذى من بحر السكون
يعشق يكون

العمر لك
ويكملك
ويحكلك

قلمه الرصاص

تبرق عينيكي بألف إحساس
طيب جميل

تتمدّ إيدي تُحضنك

تبقى الحياة جنة رضا

ونعوم في بحر من الرضا

طائرين لآخر موجة بالحب الجميل

نسئلس النوة ونشرب منها

ماء سلسبيل

نعلنا على الملكوت
ونتمخطر نميل
واتنى وانا والنيل
صحاب

راجعين شباب
دايسين على صخور العذاب
وماهمناش

طلة عيون البصاصين
فرحتنا بالشوق والحنين
ولقانا فوق سطح القمر
والنور أشعة مبهجة
وبتنعش القلب الحزين
وبيرتعش جوانا طفل المعجزة
فى العمر عايش مرتجى
حالف ما ييجى الا إذا
كل الحياة اتغيرت

واتصلح العالم وفاق

وملا الوفاق

كل القلوب

دد يوم ميلادك فى الوجود

يادى السماء

باصاحبة الصيف والمطر

يا مغرقانى ف بحر حُبك

بالوفاء

فتحة نهار مالهوش ليل

طلة حياة

فى طريق حياة

هى الدليل

قنديل حنين

بنت ام هاشم

نورت كل السكك

وخيت بايد المتعبين

فى مصحن المصرك

عنت بهم كل الخطر

وبعزم سيدنا الحسين

تم القمر

واندورت

زهراء

على الأرض النجوم

دورة كمال المنتهى

قلبي اشتهى

نور العيون

دخلت فى قلبى كلها

ولقيتني أول يوم

باشوف الدنيا

بعيونى أنا

وأنا مش أنا

مخلوق جديد

مليان حنان بكرة السعيد
كلى رضا
والحب فى قلبى قضا
مالى الربيع كل القضا
ألوان كتير
وعبير زهور
أزكى الروايح كلها
ملكوته بها
أمسك إيديها واحبها
أكل بها
واشرب بها
واعشق بها
يحلا وجودى ف قريبا
ويحس بى قلبها
تبقى أنا
وأنا مش أنا

ولا إنتى إنتى إنما

إنتى وأنا

مخلوق جديد

كل السنين ائدهورت

وانتى اللى جيتى متين سنة

واقفة على راس الزمن ومنشئنة

ملكة جمال ربانى واقفة على القنا

مالية هوايا بالهنا

فاردة جناحاتها البيض

بتحضننى أنا

وانا - صدقيني - مش أنا

من يوم

ما حسيتك

فى قلبى


دندنة

من يوم ما شفتك

فى جناينى
سوسنة
من يومها عشت جديد
بدم جديد
وشكل جديد

وانتى اللى عارفة وشيى أكيد
إنى على إيديكى السنة
مولود جديد
يافرح عمرى
يا .. أنا

٢٨ ، ٣١ / ١ / ١٩٩٦



تعزيمه

نأليت عليكى .. ماسمعتيش
وندهت آخر ندهة ، ما سمعتيش
عزمت يارب تيجى وما سمعتيش
دعيت فى آخر ركعة لله .. ما استجاب
رنيت على التليفون ٢٠٠ مرة
ولزقت ع المستعجل بعلم الوصول
جميع الطوايع
ماردتيش الجواب
ولا غنيتيش
للرنين
هل استحليتى طعم الموت
ومليتى الحياة ؟
آثرت واخترت الهروب ع القرب
وبقيتى لو عن قرب / أبعد من طلوع الورد فى
الصحراء
وبقيتى - لو عن قرب - أنشف من جفاف الماء

عاش بحبك حتى وانت بعيد
مليان حياة بالجاى من مواعيد
أخضر وطالع فوق

مالينى الشوق

لأحضانك

هاخذك فى حُضن الدفا

بين الضلوع واحميك

هاخذك فى حُضن الدفا

ولو تكونى سراب

هاخذك فى حُضن الدفا

يرجع لى قلبك شباب

وترد فىكى الحياة

يا ياميتة بالحياة

١٩٩٦ / ٢ / ٢٧

ثلاث سنات

* دوسى على سِنِ الألم
قومى افتَحى شباك
خلينى أدخل واعشش
فى البرارى معاك
نبنى بيوت الهنا
تطلع زهور المنى ونحب دُنيتنا
نفرش على بيتنا
يا فرحتى بالربيع
ساعة الميلاد .. يلقاك
** إنت اللى سقت الجمال

فى الحرّ ، اللواحة
وانت اللى شلت الجمال
فى إديكى بالراحة
حطيتى وردك فى روى
نمت ما دريتشى
وصحيت قوام م المنام
.. على خُضن .. ما تقولشى
إيه كل ده ؟؟
كل ده لى وحدى ؟؟
فرحى ما هيضيعشى
جينا التقينا الجنينة
بجمالها مرتاحة

.. لازم نجيب النجوم
الضهر يا أملى

بالى الغوم ساحت
ساعة بقيت وصلى
حبك نادانى المطر
هلل على الوادى
غنيت بطلو الصوت :
عيشى يا بلادى
يا وردة المستحيل ، مؤتى حسادى
واللى الحنان فرحه
ما فى قلم يجرحه
حبك ، ومكتوب لى

١٩٩٦ / ٦ / ٣

1. The first part of the document discusses the importance of maintaining accurate records of all transactions. It emphasizes that proper record-keeping is essential for the transparency and accountability of the organization. This section also outlines the various methods used to collect and analyze data, ensuring that the information is reliable and up-to-date.

2. The second part of the document focuses on the financial aspects of the organization. It provides a detailed breakdown of the budget, including income and expenses, and discusses the strategies implemented to manage the funds effectively. This section also includes a comparison of the current financial status with the previous year, highlighting the progress made and the areas that need further attention.

3. The third part of the document addresses the operational challenges faced by the organization. It identifies the key areas where improvements are needed and discusses the steps being taken to address these issues. This section also includes a discussion on the role of the staff and the importance of their training and development in achieving the organization's goals.

4. The fourth part of the document discusses the future plans of the organization. It outlines the long-term vision and the specific steps that will be taken to achieve it. This section also includes a discussion on the potential risks and the strategies to mitigate them, ensuring that the organization is well-prepared for the future.

5. The fifth part of the document provides a summary of the key findings and conclusions. It reiterates the importance of maintaining accurate records and the need for continuous improvement. This section also includes a list of recommendations for the future, based on the findings of the document.

بسمّة

ساعة إيديك ، ما اتبسّمت
فوق صدري
حسيت بالحياة
ضحكت حاجات في القلب
كانت من زمان متبلّدة
فرحت
وصيحت
واستخمت
زأططت
باتت عينيها مورّدة
والكلل بان
مليان حنان

لما الأمل زغرطت
قلبي انتشني بالنور وآه ...

هد الجسور ،

ع السور ، شبا

ولمس شبابيك الربا

حبك

وقام

حبك

حبا

في حضني

مليون

مرحبا

واتشد حيلي

اللى كبا
من ألف عام
ونھض قوام
غنى الحمام
واتمد نور الرب
بسلوك كھربا
غطى بلدنا كلها بالمجد
لبست توب صبا
لحن الصبا
سمع طروب
زرع الغيطان
وطرح نبات المستحيل
مد الأمان
فى الأرض نيل

شد المكان حيله
حَضَنَ كل الزمان
وطلع ولد
شاييل ميزان
يعدل به كل الكون
يزهزه عمرنا
ميت ألف لون
ويكبر حبنا
ويعيش بنا
نيل سلسبيل
يا فرح قلبي يا ولد
ها تعيش حياتك كلها
ونعيش كمان .

١٩٩٦ / ٦ / ١٠

اسبقى الريح

الشعر يكتب نفسه لما يشوفك
بس انت قومي جمعي حروفك
يقطفها ، يلضم عقد غثيوتك
يتمد فيكي الأمل تتقدمي صفوفك
وتغيري ظروفك
وتجيني

سابقة الريح

مالية الوجود

نفاريح

ألفاني واحد صحيح

يشملني معروفك

أطلع لفوق المدد
واحد يفوق العدد
طيب ، ومالى بلد
غير العيون السود
القب بىك موجود
وانا فى الحنان مولود
مالى البلد بالجود
خيرى مألش حدود
طيرى الجميل طاريك
رساتى فى مضاربك
حببت جميع شعبك
ولعبت فى ملاعبك
وكسبت كل رهان
كاسى اللى كان قلبك

أعلى جوايز الزمان
جوز العيون السود
الشعر يكتب نفسه ع المكشوف
والأعمى بيكى يشوف
يطرد بحبه الخوف
ويطوف

فى كل المكان
يملا البلد
بحنان

١٩٩٦/٧/٥

حلاوة الروح

ياليل

مضروب

خيام سودة

على قبر الغريب

قبرى

طريقك طال ... وفاض صبرى

ومش عارف .. ياليل .. اجرى

ياعين

خايف

يجى لك يوم

وترمينى

فى قلب الشوك يجرّحنى ونار الهجر تكوينى

وأملى كل يوم بيدوب

ودمع الورد بيكىنى

يوقّعنى

على أنقاض نهار خيبان

وابات محنى

وانا واقف

على ضلوعى الزمان

يمشى

وما اعرفشى

الحروف

من بعض

لا ياء عمري

ولا يسرى

ولا سين السما

فِي الْأَرْضِ

وَبَعْضَى يَبْتَعدُ عَنى

وَيَهْجُرْنى

وَأَهْرَبْ لَهُ

أَقْرَبْ لَهُ

أَحاولُ الْمَهْ يَتَسَرَّبْ

وَاشَوْفْنَا بَعادَ

قَوى عَن بَعْضِ

وَنَتَقَرَّبْ

وَلَمَّا جِئْنَا نَتَقَرَّبْ

بَعْدَنَا كَثِيرٌ وَقَصِصْنَا

جَنَانِيتَنَا

بِقِسْوَتِنَا

مَشِينَا فَنَفْسٌ سَكَّتْنَا

وَرَوْحُنَا مَكَانَنَا تَتَطَوَّحُ

وَرَحْنَا مَكَانًا نَتَطَوَّحُ

عَلَتْ فَوْقَنَا

حَيْطَانُ بَيْتِنَا

وَمُتْنَا

قَبْلَ مَا يَجُونَا

وَجُمْنَا لَيْنًا حَبَابِينَا

وَرَوْحَنَا لَسَهُ جَوَاهِمُ

بِتَحْضَنِهِمْ شَفَايِفُنَا وَشَفْنَاهُمْ

حَلَاوَةَ الرُّوحِ بِتَمْنَعِهِمْ

يَبْصُرُوا مِ الْخُرُومِ خَائِفِينَ

يَلَاقُوا جَوْهَ دُنْيَاهُمْ

مَعَانِدَاهُمْ

بِتَجْبُرِنَا .. نَضِيعُ مِنَّا

وَتَتَسَرَّبُ عَلَى الصَّحْرَا

دموع عيننا

ماتخضرش

في رملتها

ولا وردة

جفاف السفح يشربها

ولا تبانشي

ولا تبلش

لرملة ريق

وحبل الضيق

بيخنقها

ولا نسمة هوا طيب

بتلحقها

والافيني

في وسط النار

باغنى لها:

حبیبی جای

حبیبی جای

یوحدنا حصار موتنا

ونركب فوق حصان الضی

حبیبی جای

وشایل روحی فی وردة

شبابها حی

حبیبی جای

هیزرعهها فی عمری الجای

وهتخضر عیون حلویں

نشوف بیهم

شوی ، شوی

ونصحی تحت أنقاضنا

نلاقینا ف جحیم موتنا

حبیبی ہناااااااااا

ومش قادر

بتفصلنا جبال البور

وَأَلْفِينَ سُر

وینا بحور

سراب خداع

وليل طمّاع

مالوش آخر

انا يا حبيبتى ... هاتأخر

علی عینی

هاخش الموج

واضيع فى النيل

وسامحینی

1997/V/18

قارب نجاة

الخير من بيته ما يستغربش
والمية م البحر الكبير ما تتعكرش
وانا اللي حبي للجمال
ماحصلش
وانت يا حلو الجميل
نورت ليل الكون
فى يوم واحد
وزرعت أيامى بنهار واحد
علقتنى فى النور
ورفعتنى راية عبور

رفرفت فوق .. عصفور
زقزقت للإسنان
عبرت لأجلك بحور
إنت الجميل يا حلو بدر البدور
فى مرة شففتك ما حسيتش السرور
ما لقيتش روحك فيك
إندرت منك بعيد
داريت دموع العين
شففتك على خدودى نهور
مسكت شفايفى فيك
وسألتك ؛ انتى فين ؟
ياخضرة ع الصفين ..؟
سبلى على صدرى
صحيت م الحزن

فوقنى نقر إيدىك على قلبى

اتجمعت فوقى جميع المزن

ناديت ؛ يا أهل البيت

خشوا ف دفا روحى

وسمعت رنة بسمتك فى الضلوع

ولعت كل الشموع

وفرحت

يافرحة الجسد العليل

ساعة ترد الروح

ويتتاب

ما احلا اللقا للحبايب

لحظة كمال الاتحاد

مابقاش بينا بعاد

ولا مسافة سهاد

ولا مكان للشجن
لحظة يفيض الزاد
نشبع بخير الحصاد
أملى .. نروح "بغداد"
نمشي على "دجلة" الرعيد
فُسحة رضا ووداد
نسهروا "أبو نواس" بيسقينا
نشرب نبيت "الرشيد"
ونعلق الزينة
على "نصب الشهيد"
أملى .. سفينة طلوع
تجمعنا تاتي جموع
نطلع طريق السعد للموضوع
يتلم فينا الكتف لو مخلوع

يتحقق المشروع
تطيب جروحنا بمزاج
دا .. حُبنا الوهاج
داخل زمن الابتهاج
كل البدور حواليه
زهور .. تفوح بالفرح
وتحليه

صوتك نشيد كروان
بيغنى للإنسان
" أمان
أمان .. ياللى : أمان
نغم ربيع حنان
بيحبّه ويدقيه
ويحضنه بعينيه

ويخلى عينه عليه
وإن غاب .. في قلبه يلاقيه
نبضه اللي بيغذيه
أقرب له منه ليه
قاربه اللي بيعديه
شط الأمان بيدور
والخير يعم الدور
بجمال عصور جاية
الخير وفير
ومن أرضك
ما يستغربش
والمية م البحر الكبير
تصفي
ما تتعكرش

وأفضل وحبى للجمال
ما حصلش
أهمس وأغنى لك:
إنت يا حلو الجميل
نورت كل الكون
فى يوم
واحد

١٩٩٧/٢/٣

مزّيكَا

البذرة شقّت صخر أيامي، سَفَتْنِي الخُضرة وادَّتْنِي العَمار ،
الأرض فتحت صدرها للشمس شَعَت من بناياتي ناديت بطلو
الحسّ : يا حياتي .. مدى قوَى قُدام ، ولا تخافيش عسْكر
ولا تخافيش خُدام، ولا ترجعيش للتيه بكرة تلاقيه ما بين
صوابك خضار ، بكرة تلاقيه بيلالي بالأنوار ، بكرة تلاقيه
دلنا ونهر نهار، بس ابدئي المشوار، وافتحي للدار
شبابيكنها، يجي الهوا الصابح يدلكها طلعة صبا سمعت
صياح ديكها، غتّ صيحيت رشت عصير الكروم يوم جلجلت
عليّ مزازيكنها .. " ترم .. ترم .. رصد الصعود سيكنها ..
ترم .. ترم .. سبحان مسلكها .. وترم .. ترم " يديها ديكها
كل يوم بوسة بالشوق يحبكها يتمخطروا في الجود، تدي له
روح الوجود علشان يسبكنها، يتداروا من عين الحسود من
عود يفرتكها ياكلوا حمام الدنيا بفريكنها، ويشبكوا الأيام
حقايق سلام زالوا تشكيكنها شدّوا روايح عبيرها وزحزحوا
شوكها، دنيا غرام في غرام بتكسر الأوهام تصبح جروحي

زى بدر تمام نورهُ بىكشَف اَى شبرِ ظلام، وبسِمْلا خِيره
الأرض بالتمام، تصحى وتنفض من عينيها المَنام، لا تعرف
الجفاف ولا تعرف الفِطام، تشرب وتسقى الأنام، حب وربيع
وسلام ..

تَعلا مَزاكِكا

يَعلا صِياح ديكها

تَعلا رايات المحبة

فوق شبابيكها

١٩٩٧/١/٣

بلاستيك

فى ساعة وداعنا حباب
وساعة لقائنا حباب
يعرب شروقنا حباب
يشرق غروبنا حباب
نضيّع حقوقنا حباب
بنضحك علينا

ويضحك علينا الحباب
وشايلين عدانا فى سكة سفرنا
عشان معانا ماشيين طريقنا حباب ؟
تفتّح عينينا لآخرها

ما نبلعش ريقنا
ونفتح إيدنا لآخرنا
يموت فينا شوقنا
وتسقط إيدنا
ما يصعب علينا
جفاف المياه من دقيقتنا
ما يصعب علينا
سقوط الضياء من بريقنا
ما يصعب علينا
فرجنا اللي جائ ..
والا ضيقنا
حبايب
حبايب
حبايب
ورغم اللي فات من لقانا

ورغم اللي جاى من شتقانا
مافيش اى حاجة
تجرى لنا ريقنا
فقدنا الشعور بالآلم والمصايب
وبالضحكة ، جننا
نغنى ..

بصوت ..

مش مبين

غنانا

خرس

بايقاع سجين

يخاف الحرس من زعيقنا

ولو كان أنين

ومانخافش منهم

ولو دخلونا السجون

يدق الجرس

ونجری ف مكاننا حباب

ما یمشی زماننا حباب

وصوتنا اتحبس

سكوت

مش طبعی

وموت

مش طبعی

ما نحتاجش تیقى الحیاة

شیء طبعی

صور باهتة جدا

بلاستك

یتكتك

بصوت

جدّ جدّا

يقف حبة

يمشى

وجايز يمد

يقف مرة واحدة

ما يقدرش يدن

ماتنفعش فيه المناهدة

يتربس

برودة شديدة

خدودنا

تتكك

ماحصلش حاجة

مايصعب علينا

نهارنا اللي غايب

مادمنا حبايب

وضحكة صحابنا

شمايۃ عِدانا
ما تَظْهَرُشْ فينا
قلوبنا اللى باينة
بتضحك

حزينة

وأنا والمدينة

حيطان صخر باردة

ما فيش حد يستند علينا

هيجمد

وتجمد فى قلبه السكينة

هاتنشف قلوبنا

وتفضى جيوبنا

ويتهد طوبنا

وتظهر ضلوعنا ف عينينا

وهتسيل دموعنا

ونرسم على الأرض حدًّا

مانزعلش خالص حبايب

يزيد اللي ناقص

وينقص جمالهم حبايب

جلودنا

تشكشك

ما نزعش منهم

ولا نخاف عليهم

ما يدنش ديكهم

ولا نحس بيهم " حبايب "

يدق الجرس

ونسكن معاهم

مدينة

مافيهاش لمونة

ولا ناس حنونة

يدق الجرس والا يدن
تسافر يا حبي
على شمعة خائبة
طفيت نورها بدرى
فضلت ف ضلامي
أعافر
باغالط زمانى
وأنا مستكين
وبالحب - حتى - مانيش
مستعين
ما حاولت أبدا .. أنام
ولا اشتقت مرة .. أقوم
ولا شفت فوقى النجوم
بتطلبنى اجى لها
ولو حتى تطلب

فعمري ما ماسمع كلامها

قمر مطفي حبي

وروح نائمة جنبي

وقربي عقيم

وميسوط بغلبي

ومربوط يا قلبي

علي ده السديم

تسلم سلاحك

ويرضى بجراحك

وتسكت

وترفض تقاوم

تفضل وأحسن ..

تسالـم

وأحسن تنام

مُش سليم

وتصحي ووشك كظيم
عجوز زي جدك
تراجع شبابك
وترجع لجلدك
تنادي الإله الرحيم
يخفف عذابك
ويشفي إهابك
يرد اللي نابك
لنحر الشيطان الرجيم
يُجاب الدعا .. هل يجاب ؟
ياريت المحبة
تَزَقَّ السحاب
يسيل المطر
علي رمل قلبك
يسبَح

ويخضر دربك
وتعلا زهور الحياة
مرة ثاني عليك
وتعلا بجسمك ، بروحك ، ترفرف
في عالي سماه ..
هتشف جروحك
وتملا عروقك
دماء الحياة
تبطل نتكتك
ماتبقاش
بلاستك
وترجع لعهدك تحارب
معاك الحبايب
حبايب
بجد

لَقَاهُمْ .. يَدُوم

وَيَوْم

بَعْد

يَوْم

تَعِيش

مِنْ جَدِيد

جَزْر مَدَّ

وَيَبْقَى الْوُجُود

شَيْءٌ طَبِيعِي

نَهَارِ الْحَبَائِب .. رَبِيعِي

وَلَيْلُهُم .. رَبِيعِي

وَقَلْبِ الْحَبَائِب

يَدُومُ لِلْحَبَائِب

تَمَلُّي وَجَدًا

رَبِيعِي

١٩٩٧/٢/٦

قمر المغارب

١٣٢

رحلة

شيئ فيكي عايزني أعدّي البحر
واطلع لك أعدّيكي
لبر العنب

شيئ فيكي

أقوي من الشّع الحلّال
من الشعر الشقي
من الحب اللي كان
اللي انكتب
فيه ملايين الكتب
أقوي من الزلزال
ورجفة السحب
ورعشة المحيط
لحظة تعب
شيئ فيكي ..بيدويني دُوب

ويلمني ، مكتوب ...
علي جبيني
يشرب حنيني
للربيع والصيف
شيئ فيكي فتَح عيوني
ع الدفا والكيف
سبح بلحن الخلود كالطيف
صبح علي الناس وندن
بعود حساس
وغني لحن الصمود
وقف زمانك صبا
شعشت حبي .. شبا
وصب قلبي كهربا
فتحت اقول لك
كلمتين حلوين

ما طلّعت منى غير
أهات خرّسا
وأنين
مكتوف

مرسّى الحنين
والكل فيه مكشوف
تنشف الجملة ف شفايفي
وانتى بتبلى الحروف
كل شئى جوانا يرقص
.. للظروف
كل شئى يحضن
بآخر قوته
أحلى الظروف
تتسرّسبى يا حروف
فى دمي
تكتبى جواى حبك

تَشْرِبِي، قَلْبِي فِي قَلْبِكَ

تَقْرَبِي أَكْثَرَ ..

وَاحْبِكَ

وَأَنْتِي بِتَشِيلِي لِي

هَمِّي

وَأَنَا.. مَا نِيَش .. قَادِر .. أَشُوف ..

قَدْرَكَ ..

تَوْرِينِي السَّكَّ

كُلَّ السَّكَّ

وَتَخْلِي حُبِّي فِ كُلِّ حَتَّةٍ

مِنْ بِلَادِ الشُّوقِ

يَطُوفُ

•

١٩٩٧ / ٤ / ٢٦

نقطة حبر صاحبة

وكل ما يعدّ قمر
على سطح دارنا يا قمر
باسأل عليك
وكل نجمة شائلة حبي
فى السما
وحنانى ليك
والشمس بتعدّ الغيوم
وتوصلك
أعلى تحية بألف يوم
كمشان أسد
مشتاق إليك
يحلم تجى له، يا قمر
بالحب أجمل من زمان

ورق الشجر
والأمنيات
طارح حنان
حلفته يسأل
عن حبيبتي
الجو
والنيل
والنبات
وكل وردة
طلبت منها
تفوح عليكى
بالشذا
سُكر نبات
وكل نقطة حبر
أسكبها
وتكتب ، من سكات

الحب صافى بدون آهات
قادر يخلى الذكريات
تصحى ، تصحى لى الأمل
وتزلزل القلب
اللى أجمد من جبل
عمرى يفوق
يمشى

على صدر الممالك كلها
مليان يا قلبى بحبها
زاهى
ومبسوط
بتمخطر لها
فرحان بها
وبعيد ميلادها
الأولانى
اللى نهى

زمن الحصار

والانتظار

على باب مرار

فتح الطريق

بلا انتها

للانتصار

والزهو جائ

وعمرنا ينور خضار

يرقص

نغنى كلنا

ونبدأ السكة العمار

١٩٩٧/٦/٣

غزل البنات

عزّلت العمر في عمرك
حرير في حرير
ودّوبني رحيق حبك
في شرباتي
بقينا عصير
وطرنا في الفضا نغنى
ولا العصافير

أزرق

لما تسقيني

شفايك شهد

وزققتك

تناديني

وتجذبني

جنان الوعد

أخش ف جنتك

وأفرح

وأسكر

لما أتطوح

تشديني

بشوق

وبجد

واشدك

خيط حرير

أخضر

وطيارة بتعلاي

سحابة تشدني

ونسبح

وحبة ربح

خفاف خالص

علي كل الولاد تمطر

تخضر رمل أيامنا

وتبقى لنا

بشارة خير

ومهرة ، ويا خيالها

تفوت ع الصعب بجمالها

يعيش الحب علي بالها

ويبقى لها

نسيم طيب

ومشرب

بأحلي عبير

وهي تفوح علي صدره

وتنقش اسمها ..

ف عمره

وتبقى له ..

ويبقى لها ..

سند ونصير

١٩٩٧/٦/ ٣

أول حروف اسمها

* (طريق بكرة)

اللى جاني خطف

عصرنى ف أول المشوار

وسوّانى على الجنبيين

وكسر لى الضلوع بالنار

* هاعيش ميت

و(لىلى) بعيد

ولكن غصب عنى هاعيش

(طريق بكرة) اللى فى الماضى

فى جنة حب مشتاقة

من الضلعة لطلوع الفجر

* فى وشك نور من الجنة

بيسحبني عشان أفرح واتهنى

وبيطهرنى .. أثر محنة

ويجددنى بالمعروف

/ وشمس مأثوف /
وبالنعمة /
وعرس الفرج /
والحنة
من الضلعة لحد النور

* وإننى النور لدنيايتى
وإننى سرى وأمانتى
وإننى روحى ومرايتى
طلعتى لى رجعت أعيش
وأتحمل ما ضاع منى
واسامحه بعد ما فاتنى
وأفرح للى جاى بكره
طريق بكره بيتفتح

زهور من نور
عطور بتعقل المسحور
وسور جنة محاوطنا
بتحرسنا ملايكة شعر
وشعر مصفى طول العمر

وليلنا حتى مهما يطول ما يطولنشى

ويطولن ليه ؟

ما دام الشعب حارسنا

وعين الرب راعيانا

نخاف من إيه ؟

خضار الزرع فى بلادنا موئسنا

شهادة أهلنا وناسنا

توئسنا

محبة كل رملة لرجلنا ماشية

تخضرها

ورود فى جنية الوادى

وكل جناين الدلتا

وحتى الزرع فى الصحرا

— يا ليلاي — بتحرسنا

وتستنى

نجى لها نغنى أشعارنا

نغنى لنا

وننسى احنا ان دى لينا

ولينأ ليه ؟

مأ ءمنا لكل ءبئنا

وطن ءالى وبنءبه

وبنضءى له بءبائنا

ءشان بءلا

ونءلا معا هـ

ونشرب مبة المءاباة

(من الترة فى عبن أسبوط

ومن ملكوت فى كفر الشبء

ومن سبنا ومن أسوان

ومن مطروح ومن ءلوان

من الزقازبى وابو رجوان

وفى المنصورة .. ءئنا)

_ فى ءبمشلت

_ فى ببنا ؟

* فى (ديمشلت) طوب الأرض بيجبك

وكل اولادها وبناتها

ورجالها وستاتها

وكتابها وبشاواتها

وفلاحينها وحماتها

وأمى

— وانت عارفها —

بقيتى جوه كبديتها

كانك بنتها الأولى

كبانى معاكى أصبحت ابنها الأول

أنا الأول وتمسح دمعها فيكى

أنا الأول وبتداويها بحنانك

وبتخلينى فى عينيها

وفى عينيكى

عشقت الدنيا

عشانك

رشفة ف ارضى بايديكى ورجليكى

لأنك كنت فلاحه

— برغم الماضى — فلاحه

عرفتى كل أسرارنا

بدأت معنا مشوارنا

صنعتى كل أخبارنا

عشقتى حتى لغوتنا

اللى مش منها

ولا منك

نطقتنا

كتبت لنا

لأنك مصر يا واحدة

مافيش منك

ويا أركى من الملايين

ويا أغلى ما فى الغاليين

عينيكى سلسلة ضهرى

وأنا ليكى عمود فقرى

وفى إيديكى رغييف بتاو
وجينة قريش
وخيزة عيش مليتى كل قريتنا
شبعنا بيكى كلتنا
لأتك إنتى نور دورنا
وعقل لكل عزوتنا
* (وديمشلت) ياليلى اللى بتحبك
ما نامتشى لحد الآن
فصحيها وقويها
من الأعلى إلى الأدنى
وصحيها وخليها تفوق على طول
واهى طالعة لآخر فوق
لقمة مجد أوطاننا

— يو ووو ه !!

حبيبتي وروحي .. فى الجنة
هتدعى لى ، وتدعيني

واجبى لك كل يوم ، وارجع
على باب الحبيب ، أركع
واصلى كل يوم .. جمعة
واصوم عمري ولا رمضان
وازكى لك ..

تزكىنى
واحج لربنا وياك
واعيش حتى الأبد برضاك
أعيش حتى الأبد برضاك

يسرى العزب
٢٠٠٢/١٢/١٥
ومشلت وقهلية

م الأول

يطول الليل وحلمى معاكى بيطول
واشيلك جوه نى القلب ما اتحول
واحطك فى محيط العين
وتسقينى الدموع حنضل
وأستنى
عشان تيجى
واغنى لك
ولا تجيشى
واغنى لك
والأفكى
قمر طالع فى بحر النيل
يعدى الليل ولا يتبل

وأدعى له
مادام تقدر ...
أهـى أرضى
تعالى أنزل
بسـم نورك اطلع لك
وعمرى ما أخاف
ولا أنزلزل
أغنى لك
وأغنى معاك
لحد الفجر ما يشقشق على إيدينا
وندعى له :
يخلى العمر كله نهار
صباح طيب
وضـهر جميل

وأحلى أصيل
ومغرب من بلاد النيل
ينور قبل (عام نول)
وبكره شمسنا هاتطل
وصدرك للربيع ينهل
أقوم من فرحتي أجمل
واعيش
العمر
م الأول

٩٩٥/١٢/٢٠ ، ٤

صدر للشاعر :

أ - فى الشعر العامى : -

١ - فوازير فلاحية مطبعة السعادة بالقاهرة ١٩٧١

٢ - تغريبة عبرزاق الهلالى (دراما شعرية)

مطبوعات الفجر بالقاهرة ١٩٨٤

٣ - شجرة مريم مطبوعات الفجر بالقاهرة ١٩٩٢

٤ - خيال المقاتة دار حورس بالقاهرة ١٩٩٣

٥ - ميلاد البحر (أصوات أدبية) الهيئة العامة لقصور الثقافة

بالقاهرة ١٩٩٦

٦ - وش وظهر (مطبوعات رؤى) الغربية ٢٠٠١

ب - فى الدراسات الأدبية والنقد :

١ - أزجال بيزم التونسى (دراسة فنية) الهيئة المصرية العامة

للكتاب القاهرة ١٩٨١

٢ - القصة والرواية المصرية فى السبعينيات

الهيئة المصرية العامة للكتاب

بالقاهرة ١٩٨٤

٣ - القصيدة الرومانسية فى مصر الهيئة المصرية العامة

للكتاب القاهرة ١٩٨٦

- ٤ - ليلة من ألف ليلة (بيرم التونسي) (تحقيق ودراسة) المركز
القومى للمسرح القاهرة ١٩٩٢
- ٥ - قراءة النص الحديث دار حورس القاهرة ١٩٩٣
- ٦ - موسيقا الشعر دار حورس القاهرة ١٩٩٣
- ٧ - ديوان العرب (اختيار وإعداد) - ثلاثة أجزاء
دار حورس ١٩٩٣
- ٨ - موال أدهم الشرقاوى (بلاغة النص بلاغة الفرجة) (مكتبة
الدراسات الشعبية - الهيئة العامة
لقصور الثقافة) القاهرة ١٩٩٦ .
- ٩ - ديوان بيرم (إعداد وتقديم) الهيئة المصرية العامة لدار
الكتب القاهرة ١٩٩٦
- ١٠ - مختارات بيرم التونسي (اختيار ودراسة) الهيئة
المصرية العامة لدار الكتب القاهرة
١٩٩٦
- ١١ - فن المقال الأدبى دار حورس القاهرة ١٩٩٩
- ١٢ - مقال فى أدب الطفل دار حورس القاهرة ٢٠٠

صدر من مطبوعات الفجر

١- تغريبة عبر زاق الهلالى	د. يسرى العزب	دراما شعرية
٢- الهاموش	حسن نور	قصص
٣- المبعدون	إدريس على	قصص
٤- حكايات مصرية	د. نجدى إبراهيم	قصص
٥- الدائرة	د. نجدى إبراهيم	رواية
٦- شجرة مريم	د. يسرى العزب	شعر
٧- تأملات فى الفن والثقافة	د. محمد حسن عبد الله	نقد
٨- أمسيات عائلية هادئة	منتصر ثابت	قصص
٩- شجرة الليمون	خالد النشوقاوى	شعر
١٠- عصفور الحب	نجاة خليل	شعر
١١- حتى لا يطول الانتظار	محمد نور الدين	قصص
١٢- اكتب عمري	ليلى محمد على	شعر
١٣- زائر بعد منتصف الليل	مديحة أبوزيد	رواية
١٤- خاطنة فى الجنة	يحيى سليمان	رواية
١٥- النملة والجداية	عزت زايد	شعر للأطفال
١٦- واحد اثنين	عزت زايد	شعر للأطفال
١٧- المراهق	سيد أمين	رواية
١٨- فيكى إيه يتحب ؟	جلال الصياد	شعر
١٩- قمر المغارب	د. يسرى العزب	شعر

رقم الايداع: ٢٠٠٣/١٤٧١

دار الفراعنة للطباعة
ت: ٠١٢٣٣١٠١٣٠